

平彝縣志卷之三

知平彝縣事於越任中宜纂輯

男 振芳校

地理志

疆域 山川

形勢 關隘

險要 風俗

種人附

邑為徼外孔道全滇門戶之區南通苗獞中懷安海二獠厥土青黎丙多磽确可耕者十之一耳誠荒服也然白馬青溪之概披閱黃圖居然列於名勝間矣惟地險阻舟車不通轉運無術財利難興欲望民生之裕曷可得哉作地理志

平彝縣志

卷之三

地理

一

疆域

滇處京師西南極邊而平則滇東北之一隅也去京師一萬一百七十里在雲南省城東北四百一十五里在曲靖府城東北一百三十五里東至貴州普安州界十五里南至羅平州界二百二十里西至南寧縣白水關界三十五里北至霑益州界十五里

物阜里在南霑馬尋之間原係右所屯地

地土零星亦佐之豐約等營東北界連普

安而安邊營又東南插入普安域中安定河許等營西北與越州及安土接壤皆未能以四至述也

形勢

神馬擁前翠屏列後清溪環流蒼崖峭立黔界所  
分滇疆首邑

險要

地故遐荒壤屬夜郎西通滇戶東鎖黔關北連安  
彝南距苗獐千山攢聚一線羊腸滇之喉舌也

山川

龍馬山 一名白馬山在城南二十五里高十五里  
三峯峙立中峯獨出昔有白龍馬現其間

至今石槽尚存鄉人結廬於其上曰萬山雄鎮

巒岡山 在城東十五里崔巍  
雄視在萬山之

平彝縣志

卷之三

地理

二

定南山 在城西十里明西平侯沐英闢滇駐兵於  
此樹坊其上名曰定南山坊跡石址猶存

席帽山 俗名老哈坡在城西南一  
里許以形如席帽得名

蒙洞山 在城西北五里下有  
洪源洞高二十餘丈

落蒙山 在城西一里今名古城  
寨元初建羅山縣於此

宗孟山 在亦佐城東南五里呼山  
之至尊者為祖慕訛為宗孟

旱改山 在亦佐城東十五里  
遇早縣人禱之輒應

矣層山 在亦佐城西三里山有清泉居  
人皆汲飲之彝語水為矣因名

法圖山 在亦佐城東南百里巖壁  
聳高彝民禱祀祈年處

龍馬山 在亦佐城東五里石巖壁立每遇微雨石  
上如物蠕蠕欲動相傳龍馬出現故名

塊澤坡之徑劃成鳥形故名其巔為鸚鵡嘴亦佐

知縣邢偉作亭於上額曰若凌霄漢

以則坡有石或蹲或眠如人物狀者不可勝紀其

地產蘭四時幽香不絕亦荒服之勝概也

五里坡在亦佐城東百里陡峻難行康熙四十

宣威嶺在城東十五里滇黔交界迎送之盡境有

坊其際曰滇南勝境學道壽以仁重修黔旅至此覺山平天潤東望則菁霧瘴雲天限二方也

揚威嶺在城西七里山險菁

清溪洞一里與紫泉洞通芭火入之有浮屠龍象

平彝縣志

卷之三

地理

三

芝原雲英亭臺鐘鼓之屬皆石乳溜結者騷人遊觀之所

桂花洞在城北十里洞外秋華時香徹他山今無

紫泉洞在清溪洞山後穴與清溪洞通洞口寬廠

曲折洞流觴可以

獅子洞在城南十里水從洞出波光

三門洞在城西

落水洞在城西北十五里有竅九

洪源洞在城西北五

天生洞在城東南一百

韜光洞 不知深遠程封題曰韜光洞

響水洞 潭源出白水有深

多羅海 長五里許遇雷雨則汎濫汪注

十里河 若在城西二里合清溪河水至羅

黃泥河 常在亦佐城東百里一名小黃河四時水色

蒲織河 狀如龍又如織成屈曲迴環盤繞水面

塊澤河 源亦佐城西十五里

以則江 南亦佐城

雙碧潭 一在城東

平彛縣志 卷之三 地理 四

鯉魚潭 則在清溪之上天將雨

響水潭 八在城西

黃龍潭 山在巒岡

古城潭 寨在古城下

關隘

豫順關 二在城東 宣威關 十五在城東

分水關 二在城北

風俗

土瘠民貧俗尚樸質疾信醫巫婚喪循禮男務農

耕女昧紡織人亦好義惟信道釋籍多辰沅故俗類楚士知向學科第漸出

按滇舊志曰昔之言風俗以道里分今之言風俗以年世分百年不同風又數百十年不同俗譚景升元結所謂化也然有由鄙野而化文物者由澆漓而化淳厚者皇風翔洽在事賢達之教詔觀感為多又有由文物而化後汰者由淳厚而化淫慝者則五方游寓之為也草詞訟走公府誘取子弟產業造為蜚語皆此儕也夫本

平彝縣志

卷之三

地理

五

士之人漢與彝耳諸書所載陋惡不典者皆彝也今彝且漸化况於非彝耶

元日祀天地祖先用桃符門丞往來賀歲

立春日春盤賞春以餅酒饋

上元之夕賞燈張樂次夕男女以類相將遊行携爆竹挿香於道相傳可以却疾火樹星橋有古風焉

二月三日效修禊事

清明挿柳墓祭

三月三日謁真武廟

二十八日謁嶽廟為東嶽會

四月八日為浴佛會

五月五日懸艾虎繫續命縷飲菖蒲酒以角黍相饋  
六月朔日至六日禮南斗祈福

二十五日為星回節束松苙於街衢釀飲村落照田

占歲

志云自慈善死後人哀之故有此節或云  
即古秉畀炎火之意以焚蟲類理或然也

七夕婦女穿鍼乞巧

中元祭先於家堂或焚冥衣楮鏹夜放河燈

中秋以瓜餅祭月

平彝縣志

卷之三

地理

六

九月朔日至九日禮北斗祈福甚盛

重陽登高飲茱萸酒賞菊以麪簇諸果為花糕親識

相酬饋

十月祀先墓祭

長至相賀五以糍餌饋

臘八日作五味粥 廿四日記竈 除夕爆竹飲分

歲酒先少後老煨燼守歲四更迎竈

冠禮今廢

婚禮求親敦請冰人於家讌而拜之至婦家拜致主

人意婦家既諾即讌之二姓互相酬拜下定儀將  
娶訂期納幣然後親迎其儀物豐儉各稱其力  
喪禮棺槨殯殮皆從儉戚有力者於塋上銘石為記  
惟彝人不用棺槨皆火化近亦用木卜塋者多矣  
祭禮塊肉雙蛋亦以裡祀兵燹之餘民俗凋殘聊致  
孝思耳

廬舍之制與各省異各省止用甌瓦滇中兼用甌瓦  
相傳滇中風多明初特勅許用

市肆以十二支所屬之日為率如寅為虎午為馬之  
平彝縣志

卷之三

地理

七

類俗呼為街子曰中而聚日夕而罷

交易昔多用貝俗名曰肥子一枚曰莊四莊曰手四  
手曰苗五苗曰索每百索值銀一兩明嘉靖隆慶  
間兩次鑄錢彝俗不識格不能行天啟六年因科  
臣潘士聞之條奏巡撫閔洪學力行之錢法始通  
見閔洪學奏疏相繼而行至於明末每銀一兩敵貝至三  
五百索後至七百索而廢貝不復用

古者女子出門必擁蔽其面後世宮人騎馬多着幕  
羅全身障之猶是古意滇俗婦人出以錦帕覆面

至老不去

周禮三農謂山農澤農平地農也註山農南方之刀耕火種巴蜀滇南之雷鳴田也澤農江南之葑田廣東之海簾諺所謂戽水插秧撐船割稻者也若平地農只可以言中原不可該邊甸也平彝絕無平原畝若階梯山地無水種蕎麥豆梁之類大約種稻者皆曰田種雜糧者皆曰地

滇俗瀘水處皆稱海子高山峻嶺謂之坡呼雲為雲彩初生日月牙畫角為畫曉松苴為松明高田

平彝縣志

卷之三

地理

八

為雷鳴田謂雷鳴雨沛始得播種也

種人

黑羅羅

男子挽髮以布帶束之耳帶圈墜一隻披氈佩刀時刻不釋婦人頭蒙方尺青布束於額上短衣上披袈裟桶裙結繡上下迴文手象牙圈跣足頂帶紅綠珠雜海貝瑋琮以多為勝在夷為貴種凡土官營長皆其類也土官服雖華不脫彝習土官婦纏頭綵繪耳帶金銀大圈服兩截雜色錦綺以青



緞為套頭衣曳地尺許背披黑羊皮飾以金銀鈴索各營長婦皆細衣短氊青布套頭居深山雖高岡磽隴亦力耕之種甜苦二蕎自贍善蓄馬牧養蕃息器皿用竹筐木盤交易稱貸無書契刻木而析之各藏其半市以丑戌日塋貴者裹以皐此賤者羊皮焚諸野而棄其灰能為乳酪雜樵蘇鬻於市腥穢侏僂若鹿豕然性多悍黠好攻掠漢人弗以女妻之

白攤攤

平彝縣志

卷之三

地理

九

男衣兩截衣裹頭跣足婦人耳帶銅環被衣如袈裟以革帶繫腰在彝種為次貴即土官之把事等役是也喪無棺縛以火麻裹氊昇於竹椅前導七人環甲冑執鎗弩四方射名禁惡止殺焚之於山既焚鳴金執旗招其魂以竹簽裹絮少許置小篋籠懸生者床間祭以丑月念三日插山榛三百枝於門列篋籠地上割燒豚每籠各獻少許侑以酒食誦彝經羅拜為敬婚姻惟其種類以牛馬為聘及期聚眾証於女家奪其女而歸性窳惰淫湎病

惟祭鬼占用雞骨

乾糶糶

彝中之氓也多貧被羊皮革帶佩刀每食挿筋飯中仰天而祝以為報本好勇喜鬪殺人償之以財有讐怨雖父子兄弟推刃不顧以上三種飲食或用蕨灰為鹽居無床席男女跣足以背負重言語馱舌今漸染既久風俗丕變

狎彝

習俗儉絢男女皆事犁鋤服短衣長裙構樓而居  
平彝縣志

卷之三

地理

十

好食犬鼠病不服藥惟務祭鬼相傳為宋時因罪投荒者祀祖猶類華俗多姓王